

საქართველოს მთავრობის

დადგენილება №235

2020 წლის 10 აპრილი

ქ. თბილისი

მერძვეობის დარგის მოდერნიზაციისა და ბაზარზე წვდომის სახელმწიფო პროგრამის დამტკიცების შესახებ

მუხლი 1

„საქართველოს მთავრობის სტრუქტურის, უფლებამოსილებისა და საქმიანობის წესის შესახებ“ საქართველოს კანონის მე-5 მუხლის „ვ“ ქვეპუნქტის შესაბამისად, დამტკიცდეს თანდართული „მერძვეობის დარგის მოდერნიზაციისა და ბაზარზე წვდომის სახელმწიფო პროგრამა“.

მუხლი 2

დადგენილების პირველი მუხლით გათვალისწინებული „მერძვეობის დარგის მოდერნიზაციისა და ბაზარზე წვდომის სახელმწიფო პროგრამის“ დაფინანსება განხორციელდეს შესაბამისი წლის „საქართველოს სახელმწიფო ბიუჯეტის შესახებ“ საქართველოს კანონით გათვალისწინებული, შესაბამისი პროგრამული კოდის ასიგნებებიდან.

მუხლი 2¹. (ამოღებულია)

საქართველოს მთავრობის 2023 წლის 25 დეკემბრის დადგენილება №499 – ვებგვერდი, 26.12.2023წ.
საქართველოს მთავრობის 2025 წლის 23 ივნისის დადგენილება №230 - ვებგვერდი, 24.06.2025წ.

მუხლი 3

დადგენილება ამოქმედდეს გამოქვეყნებისთანავე

პრემიერ - მინისტრი

გიორგი გახარია

მერძვეობის დარგის მოდერნიზაციისა და ბაზარზე წვდომის სახელმწიფო პროგრამა

მუხლი 1. პროგრამის მიზანი და ამოცანა

1. „მერძვეობის დარგის მოდერნიზაციისა და ბაზარზე წვდომის სახელმწიფო პროგრამის“ (შემდგომში – პროგრამა) მიზანია სოფლად ეკონომიკის განვითარება, კონკურენტუნარიანი, დივერსიფიცირებული და მდგრადი მერძვეობის დარგის ჩამოყალიბების ხელშეწყობის გზით.

2. პროგრამის ამოცანას წარმოადგენს სოფლად რძის მცირე მწარმოებლებისთვის მდგრადობისა და მოქნილობის ხელშეწყობა, ასევე იმ პროცესების მართვის გაუმჯობესება, რომელზეც მათი საქმიანობაა დამოკიდებული.

მუხლი 2. პროგრამის განმახორციელებელი

1. პროგრამის განხორციელებას კოორდინაციას უწევს საქართველოს გარემოს დაცვისა და სოფლის მეურნეობის სამინისტრო (შემდგომში – სამინისტრო).

2. პროგრამის განმახორციელებელია ა(ა)იპ – სოფლის განვითარების სააგენტო (შემდგომში – სააგენტო) და სამინისტრო.

საქართველოს მთავრობის 2021 წლის 24 ნოემბრის დადგენილება №545 – ვებგვერდი, 26.11.2021წ.

მუხლი 3. ტერმინთა განმარტება

პროგრამაში გამოყენებულ ტერმინებს აქვთ შემდეგი მნიშვნელობა:



ა) **პოტენციური ბენეფიციარი** – საქართველოს მოქალაქე ფიზიკური პირი ან საქართველოში რეგისტრირებული მეწარმე იურიდიული/ ფიზიკური პირი (მათ შორის, სასოფლო-სამეურნეო კოოპერატივი), სადაც სახელმწიფო არ ფლობს წილს/პაის/აქციას, რომელიც პროგრამაში მონაწილეობის მიზნით წარადგენს განაცხადს და ვისთანაც შესაძლებელია, გაფორმდეს თანადაფინანსების ხელშეკრულება;

ბ) **ბენეფიციარი** – საქართველოს მოქალაქე ფიზიკური პირი ან საქართველოში რეგისტრირებული მეწარმე იურიდიული/ფიზიკური პირი (მათ შორის, სასოფლო-სამეურნეო კოოპერატივი), სადაც სახელმწიფო არ ფლობს წილს/პაის/აქციას და რომელთანაც გაფორმებულია ხელშეკრულება;

გ) **ხელშეკრულება** – სააგენტოსა და ბენეფიციარს შორის გაფორმებული თანადაფინანსების ხელშეკრულება, რომელიც განსაზღვრავს პროგრამის ფარგლებში მხარეთა მიერ შესასრულებელ ვალდებულებებს;

დ) **თანადაფინანსება** – პროგრამის ფარგლებში სააგენტოს მიერ ბენეფიციარზე გაცემული ფულადი სახსრები;

ე) **განაცხადი** – პოტენციური ბენეფიციარის მიერ წარდგენილი განაცხადი თანადაფინანსების მიღების მიზნით;

ვ) **პროექტი** – პოტენციური ბენეფიციარის მიერ განაცხადით წარდგენილი პროექტი, რომელიც უნდა დააფინანსოს სააგენტომ;

ზ) **თანამონაწილეობის თანხა** – პროგრამის ფარგლებში წარდგენილი პროექტის დასაფინანსებლად ბენეფიციარის მიერ გამოყოფილი ფულადი სახსრები;

თ) **პროექტის საინვესტიციო ღირებულება** – პროგრამით გათვალისწინებული მიზნობრიობ(ებ)ით დასაფინანსებელი პროექტის ჯამური ღირებულება, რაც მოიცავს სააგენტოს თანადაფინანსებასა და ბენეფიციარის თანამონაწილეობის თანხას;

ი) **თანადაფინანსების კომიტეტი** – პროგრამის ფარგლებში თანადაფინანსების დამტკიცების მიზანშეწონილობისა და მიმდინარე საკითხების შესახებ გადაწყვეტილებ(ებ)ის მისაღებად შექმნილი კომიტეტი;

კ) (ამოღებულია - 09.08.2022, №415);

ლ) (ამოღებულია - 09.08.2022, №415);

მ) (ამოღებულია - 09.08.2022, №415);

ნ) **რძის მწარმოებელი** – ფერმერი, რომელსაც ჰყავს არანაკლებ 1 და არაუმეტეს 25 ერთეული მეწველი მსხვილფეხა საქონლისა;

ო) (ამოღებულია - 23.06.2025, №230);

პ) (ამოღებულია - 25.05.2020, №328);

ჟ) (ამოღებულია - 23.06.2025, №230);

რ) (ამოღებულია - 23.06.2025, №230);

საქართველოს მთავრობის 2020 წლის 25 მაისის დადგენილება №328 – ვებგვერდი, 27.05.2020წ.

საქართველოს მთავრობის 2021 წლის 24 ნოემბრის დადგენილება №545 – ვებგვერდი, 26.11.2021წ.

საქართველოს მთავრობის 2022 წლის 9 აგვისტოს დადგენილება №415 - ვებგვერდი, 09.08.2022 წ.

საქართველოს მთავრობის 2025 წლის 23 ივნისის დადგენილება №230 - ვებგვერდი, 24.06.2025წ.

მუხლი 4. პროგრამაში მონაწილეობის პირობები



1. (ამოღებულია - 23.06.2025, №230).

2. პროგრამის ბენეფიციარს არ უნდა გააჩნდეს საგადასახადო დავალიანება სახელმწიფო ბიუჯეტის მიმართ.

3. ალტერნატიული საქმიანობა ახალგაზრდებისთვის მიმართულების პოტენციური ბენეფიციარი (კაცი – 18-დან 35 წლის ჩათვლით, ხოლო ქალი – 18-დან 40 წლის ჩათვლით) უნდა იყოს შესაბამისი მუნიციპალიტეტის ადგილობრივი მაცხოვრებელი.

4. მზის ენერჯიაზე მომუშავე არანაკლებ 2 კვტ/სთ და არაუმეტეს 4 კვტ/სთ ელექტროსადგურის მოწყობის მიმართულების პოტენციური ბენეფიციარი უნდა იყოს 18-იდან 65 წლის ჩათვლით.

საქართველოს მთავრობის 2022 წლის 9 აგვისტოს დადგენილება №415 - ვებგვერდი, 09.08.2022 წ.

საქართველოს მთავრობის 2025 წლის 23 ივნისის დადგენილება №230 - ვებგვერდი, 24.06.2025წ.

მუხლი 5. პროგრამის მიმართულებები

1. პროგრამის ფარგლებში დაფინანსდება შემდეგი მიმართულებები:

ა) რძის პირველადი წარმოება;

ბ) ალტერნატიული საქმიანობა ახალგაზრდებისთვის;

გ) მზის ენერჯიაზე მომუშავე არანაკლებ 2 კვტ/სთ და არაუმეტეს 4 კვტ/სთ ელექტროსადგურის მოწყობა.

2. პროგრამა ითვალისწინებს ამ მუხლის პირველი პუნქტით განსაზღვრული მიმართულებებით როგორც ახალი საქმიანობის დაწყებას, ასევე არსებულის გაფართოებას/მოდერნიზებას/გადაიარაღებას.

3. პროგრამის ფარგლებში დასაშვებია ძირითადი საშუალებების თანადაფინანსება.

4. ალტერნატიული საქმიანობა ახალგაზრდებისთვის – მიმართულების ბენეფიციარისთვის დაშვებულია არაუმეტეს 200 კვ/მ სათბურის მოწყობა.

საქართველოს მთავრობის 2020 წლის 25 მაისის დადგენილება №328 – ვებგვერდი, 27.05.2020წ.

საქართველოს მთავრობის 2021 წლის 24 ნოემბრის დადგენილება №545 – ვებგვერდი, 26.11.2021წ.

საქართველოს მთავრობის 2022 წლის 9 აგვისტოს დადგენილება №415 - ვებგვერდი, 09.08.2022 წ.

საქართველოს მთავრობის 2025 წლის 23 ივნისის დადგენილება №230 - ვებგვერდი, 24.06.2025წ.

მუხლი 6. თანადაფინანსება და შეზღუდვები

1. პროგრამის ფარგლებში თანადაფინანსების პროცენტული წილი და ზღვრული ოდენობები, ბენეფიციარ(ებ)ის ტიპისა და განსახორციელებელი მიმართულებ(ებ)ის მიხედვით, განსაზღვრულია დანართ №1-ის შესაბამისად.

2. პროგრამის დანართ №1-ის პირველი პუნქტის 1.1 პუნქტით განსაზღვრული მიმართულების ბენეფიციარს შეუძლია, თანადაფინანსება მიიღოს დანართ №1-ის მე-3 პუნქტით განსაზღვრულ მზის ენერჯიაზე მომუშავე არანაკლებ 2 კვტ/სთ და არაუმეტეს 4 კვტ/სთ ელექტროსადგურის მოწყობის მიმართულებაზე.

ა) (ამოღებულია - 09.08.2022, №415);

ბ) დანართ №1-ის 3.3 პუნქტით განსაზღვრული მიმართულების ბენეფიციარს შეუძლია, თანადაფინანსება მიიღოს დანართ №1-ის 3.4 პუნქტით განსაზღვრულ მიმართულებაზე;

გ) დანართ №1-ის 1.1, 3.1, 3.2 ან 3.3 პუნქტებით განსაზღვრული მიმართულებების ბენეფიციარს შეუძლია, თანადაფინანსება მიიღოს დანართ №1-ის მე-5 პუნქტით განსაზღვრულ მზის ენერჯიაზე მომუშავე ელექტროსადგურის მოწყობის მიმართულებაზე.

3. პროგრამა არ ითვალისწინებს შემდეგი ხარჯების დაფინანსებას:



ა) უძრავი ქონების, მათ შორის მიწის, შესყიდვა;

ბ) საპროექტო მომსახურება;

გ) კრედიტებისა და სხვა ვალდებულებების დაფარვა;

დ) საწარმოს აქციების/წილების შესყიდვა;

ე) ცხოველის შესყიდვა.

*საქართველოს მთავრობის 2022 წლის 9 აგვისტოს დადგენილება №415 - ვებგვერდი, 09.08.2022 წ.
საქართველოს მთავრობის 2025 წლის 23 ივნისის დადგენილება №230 - ვებგვერდი, 24.06.2025წ.*

მუხლი 7. პროგრამის პოტენციური ბენეფიციარის შესაბამისობის კრიტერიუმები

პროგრამით გათვალისწინებული თანადაფინანსების მისაღებად:

ა) უძრავი ქონება, სადაც უნდა განხორციელდეს პროგრამის ფარგლებში განაცხადით გათვალისწინებული თანხის ინვესტირება, უნდა იყოს ბენეფიციარის საკუთრებად რეგისტრირებული სსიპ – საჯარო რეესტრის ეროვნულ სააგენტოში ან/და მიღებული უნდა ჰქონდეს იჯარით/აღწავლით (იჯარის/აღწავლის დარჩენილი პერიოდი თანადაფინანსების ხელშეკრულების გაფორმების დღისათვის უნდა შეადგენდეს არანაკლებ 5 წელს. იჯარის/აღწავლის ხელშეკრულება რეგისტრირებული უნდა იყოს სსიპ – საჯარო რეესტრის ეროვნულ სააგენტოში);

ბ) უძრავ ქონებას არ უნდა ედოს ყადაღა;

გ) პოტენციურ ბენეფიციარს/ბენეფიციარს არ უნდა გააჩნდეს საგადასახადო დავალიანება;

დ) იმ შემთხვევაში, თუ პოტენციური ბენეფიციარი არის სააგენტოს მიერ განხორციელებული რომელიმე პროექტის/პროგრამის ბენეფიციარი, მას არ უნდა ჰქონდეს პროგრამის/პროექტის პირობები დარღვეული;

ე) ბენეფიციარის თანამონაწილეობა შესაძლებელია იყოს როგორც საკუთარი ფულადი სახსრები, ასევე საფინანსო ორგანიზაციიდან მიღებული სესხი;

ვ) პროგრამის ფარგლებში დაუშვებელია, ბენეფიციარის თანამონაწილეობის წყაროს წარმოადგენდეს სხვა პროგრამით/პროექტით გათვალისწინებული გრანტი/თანადაფინანსება;

ზ) იმ შემთხვევაში, თუ პოტენციური ბენეფიციარი ითხოვს პროგრამის მე-5 მუხლის პირველი პუნქტის „ბ“ ქვეპუნქტით გათვალისწინებული მიმართულების დაფინანსებას, პროგრამის მე-5 მუხლის მე-4 პუნქტით გათვალისწინებული სათბურის მოწყობის დაფინანსებისათვის, უნდა იყოს „სოციალურად დაუცველი ოჯახების მონაცემთა ერთიან ბაზაში“ რეგისტრირებული ან/და ქალი ან/და ახორციელებდეს მიმართულებას მაღალმთიან დასახლებაში;

თ) იმ შემთხვევაში, თუ პოტენციური ბენეფიციარი ითხოვს პროგრამის მე-5 მუხლის პირველი პუნქტის „გ“ ქვეპუნქტით გათვალისწინებული მიმართულების დაფინანსებას, უნდა გააჩნდეს ფერმის შენობა-ნაგებობა და რძის პირველადი წარმოებისთვის საჭირო ელექტრომოწყობილობა ან/და მოწყობილობები და უნდა იყოს „სოციალურად დაუცველი ოჯახების მონაცემთა ერთიან ბაზაში“ რეგისტრირებული ან/და ქალი ან/და ახალგაზრდა (კაცი – 18-იდან 35 წლის ჩათვლით, ხოლო ქალი – 18-იდან 40 წლის ჩათვლით) ან/და ახორციელებდეს მიმართულებას მაღალმთიან დასახლებაში.

*საქართველოს მთავრობის 2022 წლის 9 აგვისტოს დადგენილება №415 - ვებგვერდი, 09.08.2022 წ.
საქართველოს მთავრობის 2025 წლის 23 ივნისის დადგენილება №230 - ვებგვერდი, 24.06.2025წ.
საქართველოს მთავრობის 2025 წლის 11 ივლისის დადგენილება №255 - ვებგვერდი, 14.07.2025წ.*

მუხლი 8. პროგრამის პოტენციური ბენეფიციარის მიერ განაცხადის წარდგენა და თანადაფინანსების მიღების მიზნით წარსადგენი დოკუმენტაციის ნუსხა

1. პროგრამაში მონაწილეობაზე განაცხადი მიიღება ელექტრონული ფორმით.



2. პროგრამაში მონაწილეობის მიზნით, პროგრამის პოტენციურმა ბენეფიციარმა სააგენტოში უნდა წარადგინოს:

ა) უფლებამოსილი პირის პირადობის დამადასტურებელი დოკუმენტის ასლი;

ბ) საქართველოში რეგისტრირებული მეწარმე იურიდიული/ფიზიკური პირის შემთხვევაში – ამონაწერი მეწარმეთა და არასამეწარმეო (არაკომერციული) იურიდიული პირების რეესტრიდან;

გ) უძრავი ქონების საკუთრებაში არსებობის ან იჯარის/აღნაგობის დამადასტურებელი დოკუმენტი (ამონაწერი საჯარო რეესტრიდან ან იჯარის/ აღნაგობის ხელშეკრულება);

დ) ცნობა ან/და შედარების აქტი სსიპ – შემოსავლების სამსახურიდან საგადასახადო დავალიანების არქონის შესახებ;

ე) თანამონაწილეობის თანხის დამადასტურებელი დოკუმენტი – ცნობა ბანკიდან შესაბამისი თანხის ანგარიშზე არსებობის შესახებ ან/და ცნობა საფინანსო ინსტიტუტიდან კრედიტის დამტკიცების თაობაზე;

ვ) ინვოისი ან/და ხელშეკრულება საქონლის/მომსახურების შესყიდვის შესახებ;

ზ) სსიპ – ლევან სამხარაულის სახელობის სასამართლო ექსპერტიზის ეროვნული ბიუროს ან/და სსიპ – აკრედიტაციის ერთიანი ეროვნული ორგანოს – აკრედიტაციის ცენტრის მიერ აკრედიტებული პირების მიერ წარმოებულ რეესტრში არსებული პირის საექსპერტო დასკვნა ან/და საქართველოს ფინანსთა სამინისტროს სისტემაში შემავალი სახელმწიფო საქვეუწყებო დაწესებულების – ბუღალტრული აღრიცხვის, ანგარიშგებისა და აუდიტის ზედამხედველობის სამსახურის მიერ წარმოებულ რეესტრში რეგისტრირებული აუდიტორის/აუდიტორული ფირმის ანგარიში წარდგენილი პროექტის საინვესტიციო ღირებულების საბაზრო ფასებთან შესაბამისობის შესახებ, რომელსაც აუცილებელი წესით თან უნდა ჰქონდეს დართული შესასყიდი პროდუქციის/მომსახურების ინვოისი(ებ)ი ან/და ხელშეკრულება;

ზ¹) „სოციალურად დაუცველი ოჯახების მონაცემთა ერთიან ბაზაში“ რეგისტრირებული პირის შემთხვევაში – „სოციალურად დაუცველი ოჯახების მონაცემთა ერთიან ბაზაში“ რეესტრაციის დამადასტურებელი დოკუმენტი (ამონაწერი);

თ) სააგენტოს მიერ მოთხოვნილი სხვა დოკუმენტაცია.

3. ამ მუხლის მე-2 პუნქტით გათვალისწინებული დოკუმენტაციის წარდგენის რიგითობას განსაზღვრავს სააგენტო, მის მიერ დამტკიცებული დეტალური პროცედურის შესაბამისად.

4. პროგრამის მე-5 მუხლის პირველი პუნქტის „ბ“ ქვეპუნქტით გათვალისწინებული მიმართულების დაფინანსების მიზნით წარდგენილი განაცხადის განხილვის შემთხვევაში, რომლითაც მოთხოვნილია პროგრამის მე-5 მუხლის მე-4 პუნქტით გათვალისწინებული სათბურის მოწყობის დაფინანსება, რიგითობის დროს პრიორიტეტი მიენიჭება ისეთი პოტენციური ბენეფიციარის განაცხადის განხილვას, რომელიც:

ა) არის „სოციალურად დაუცველი ოჯახების მონაცემთა ერთიან ბაზაში“ რეგისტრირებული;

ბ) არის ქალი;

გ) ახორციელებს მიმართულებას მაღალმთიან დასახლებაში.

5. პროგრამის მე-5 მუხლის პირველი პუნქტის „გ“ ქვეპუნქტით გათვალისწინებული მიმართულების დაფინანსების მიზნით წარდგენილი განაცხადის განხილვის შემთხვევაში რიგითობის დროს პრიორიტეტი მიენიჭება ისეთი პოტენციური ბენეფიციარის განაცხადის განხილვას, რომელიც:

ა) არის „სოციალურად დაუცველი ოჯახების მონაცემთა ერთიან ბაზაში“ რეგისტრირებული;



ბ) არის ქალი;

გ) არის ახალგაზრდა (კაცი – 18-იდან 35 წლის ჩათვლით, ხოლო ქალი – 18-იდან 40 წლის ჩათვლით);

დ) ახორციელებს მიმართულებას მაღალმთიან დასახლებაში.

საქართველოს მთავრობის 2025 წლის 23 ივნისის დადგენილება №230 - ვებგვერდი, 24.06.2025წ.

საქართველოს მთავრობის 2025 წლის 11 ივლისის დადგენილება №255 - ვებგვერდი, 14.07.2025წ.

მუხლი 9. თანადაფინანსების გაცემის პროცედურა

1. პროგრამის ფარგლებში თანადაფინანსების დამტკიცების მიზანშეწონილობისა და მიმდინარე საკითხების შესახებ გადაწყვეტილება მიიღება თანადაფინანსების კომიტეტის მიერ, რომლის შემადგენლობას/დებულებას შეიმუშავებს და ამტკიცებს სააგენტო.

2. განაცხადის მიღების, განხილვის, შეფასების, თანადაფინანსების დამტკიცებისა და გაცემის დეტალურ პროცედურას შეიმუშავებს სააგენტო.

საქართველოს მთავრობის 2025 წლის 23 ივნისის დადგენილება №230 - ვებგვერდი, 24.06.2025წ.

მუხლი 10. პროგრამის მონიტორინგი

1. პროგრამის მონიტორინგს ახორციელებს სააგენტო, მის მიერ დამტკიცებული წესის შესაბამისად.

2. ბენეფიციარმა, ხელშეკრულებით გათვალისწინებული მიზნობრიობის შესრულების დასადასტურებლად, უნდა წარადგინოს სახელმწიფო საქვეუწყებო დაწესებულების – ბუღალტრული აღრიცხვის, ანგარიშგებისა და აუდიტის ზედამხედველობის სამსახურის მიერ წარმოებულ რეესტრში არსებული პირის საექსპერტო/აუდიტორული ან სსიპ – ლევან სამხარაულის სახელობის სასამართლო ექსპერტიზის ეროვნული ბიუროს დასკვნა საინვესტიციო ღირებულების მიზნობრივად ხარჯვასა და მიზნობრიობის შესრულებასთან დაკავშირებით, რომელშიც აღწერილი უნდა იყოს დასკვნის მომზადების მეთოდოლოგია და თან უნდა ახლდეს ფულადი სახსრების ხარჯვის დამადასტურებელი დოკუმენტაციის ასლ(ებ)ი (საგადახდო დავალება ან/და სალაროს ჩეკი).

მუხლი 11. ინტერესთა კონფლიქტი

პოტენციური ბენეფიციარი ან/და მისი დამფუძნებელი/მეწილე/ აქციონერი/მეპაიე ვერ მიიღებს პროგრამით გათვალისწინებულ თანადაფინანსებას, თუ ფლობს წილს/აქციას/პაის პროგრამის ფარგლებში მისთვის საქართველოში რეგისტრირებულ საქონლის/მომსახურების მიმწოდებელ/მმენებლობის შემსრულებელ კომპანიაში.

მუხლი 12. პროგრამის გავრცელების გეოგრაფიული არეალი

რძის პირველადი წარმოების მიმართულების თანადაფინანსება განხორციელდება საქართველოს ყველა მუნიციპალიტეტში, თვითმმართველი ქალაქების გარდა, ხოლო ალტერნატიული საქმიანობა ახალგაზრდებისთვის და მზის ენერჯიაზე მომუშავე არანაკლებ 2 კვტ/სთ და არაუმეტეს 4 კვტ/სთ ელექტროსადგურის მოწყობა მიმართულებით – იმერეთის, სამეგრელოსა და ზემო სვანეთისა და სამცხე-ჯავახეთის რეგიონებში.

საქართველოს მთავრობის 2020 წლის 25 მაისის დადგენილება №328 – ვებგვერდი, 27.05.2020წ.

საქართველოს მთავრობის 2021 წლის 24 ნოემბრის დადგენილება №545 – ვებგვერდი, 26.11.2021წ.

საქართველოს მთავრობის 2022 წლის 9 აგვისტოს დადგენილება №415 - ვებგვერდი, 09.08.2022 წ.

საქართველოს მთავრობის 2023 წლის 25 დეკემბრის დადგენილება №499 – ვებგვერდი, 26.12.2023წ.

საქართველოს მთავრობის 2025 წლის 23 ივნისის დადგენილება №230 - ვებგვერდი, 24.06.2025წ.

დანართი №1

საქართველოს მთავრობის 2020 წლის 25 მაისის დადგენილება №328 – ვებგვერდი, 27.05.2020წ.

საქართველოს მთავრობის 2022 წლის 9 აგვისტოს დადგენილება №415 - ვებგვერდი, 09.08.2022 წ.

საქართველოს მთავრობის 2023 წლის 25 დეკემბრის დადგენილება №499 – ვებგვერდი, 26.12.2023წ.



მიმართულება	თანადაფინანსების მაქსიმალური პროცენტული წილი და ოდენობა ერთ ბენეფიციარზე (ლარი)	
1. რძის პირველადი წარმოება	სხვა დანარჩენი ბენეფიციარი	ქალი 18 – 40 წლის ჩათვლით; კაცი 18 – 35 წლის ჩათვლით
1.1. რძის მწარმოებელი	65% [40, 000]	75% [40,000]
2. ალტერნატიული საქმიანობა ახალგაზრდებისათვის	ქალი 70% [12,000]	კაცი 60% [12,000]
3. მზის ენერგიაზე მომუშავე არანაკლებ 2 კვტ/სთ და არაუმეტეს 4 კვტ/სთ ელექტროსადგურის მოწყობა	ქალი	კაცი
3.1. რძის მწარმოებელი, ქსელზე დაერთებული მზის ენერგიაზე მომუშავე ელექტროსადგურის მოწყობა (არანაკლებ 2 და არაუმეტეს 4 კვტ/სთ სიმძლავრის პანელები)	75% [8,000]	65% [8,000]
3.2. რძის მწარმოებელი, ქსელზე დაერთების გარეშე მზის ენერგიაზე მომუშავე ელექტროსადგურის მოწყობა (არანაკლებ 2 და არაუმეტეს 4 კვტ/სთ სიმძლავრის პანელები)	75% [14,500]	65% [14,500]

